

समा. 09.20 Hrs

एह आकाशवाणी जम्मू ऐ, बडलै खबरें च तुंदा सुआगत, पैहले खास-खास खबरें कन्नै जगमोहन शर्मा:-

- उपराज्यपाल मनोज सिन्हा होरें पशमीना कारीगर पुरस्कार समारोह च जम्मू-कश्मीर दे कारीगरें गी सम्मानित कीता ते लोकें गी मकामी कारीगरें आसेया बनाए गेदे उत्पाद खरीदने लेई प्रोत्साहित कीता।
- मुख्यमंत्री उमर अब्दुल्ला होरें दरबार मूव लेई कीते गेदे इंतजामें दा जायजा लैता। अधिकारियें गी निर्देश दिते जे दफ्तरें गी श्रीनगर थमां जम्मू आहन्ना बवस्थित ते सुरक्षित बनान।
- राज्यसभा दी 4 सीटें लेई होए दे चुनाएं च त्रंऊ सीटें पर नैशनल कांफ्रेंस नै जित हासल कीती, जिस्सलै के बी.जे.पी गी इक सीट पर कामयाबी हासल होई।
- फौज दी 15 कोर दे GOC होरें मुख्य सचिव हुंदे कन्नै मलाटी करियें फौज ते सिविल प्रशासन बश्कार तालमेल बारे चर्चा कीती।
- ते उत्तर रेलवे नै कटड़ा-श्रीनगर वंदे भारत एक्सप्रेस गड्डी दे इक बाद्दू स्टॉप दी घोषणी कीती ऐ 29 अक्टूबर थमां एह रियासी स्टॉप पर बी रुका करोग।

ते हून खबरें दी तफसील कन्नै अभिलाषा शर्मा :-

LG- Artisans (Byte)

उपराज्यपाल मनोज सिन्हा होरें कल श्रीनगर च आयोजित पशमीना कारीगर पुरस्कार समारोह च शिरकत कीती ते जम्मू-कश्मीर दे कारीगरें गी सम्मानित कीता। इस दौरान बोलदे होई उनें लोकें गी अपील कीती जे ओह मकामी कारीगरें आसेया बनाए गेदे उत्पाद खरीदन- तांजे हूनरमंद कारीगरें दा दिल बदाया जाई सकैं। उनें इस गल्ला पर जोर देइयै आखेया जे मूल्य भरै च हर इक घरै गी जम्मू-कश्मीर दे माहिर कारीगरें आसेया तयार

कीती गेदी चीजें गी खरीदना चाहिदा। सिन्हा होरें भरोसा जताया जे 2030 तगर मझाटलै तबके दे लोकें दे विकास कन्नै जम्मू-कश्मीर दे हत्थै कन्नै बने दे उत्पादें आले घरेलू बजार गी बी मजबूती थहोग। इस दौरान एल.जी होरें जम्मू-कश्मीर दी सगगो-सार संस्कृति ते विरासत पर बी लौ पाई जेहड़ी मकामी कारीगरें आसेया बनाए गेदे उत्पादें च झलकदी ऐ। इस मौके पर बोलदे होई एल.जी होरें आखेयाa

<><><><><><>

CM Darbar Move

मुख्यमंत्री उमर अब्दुल्ला होरें ओंदे दरबार मूव आस्तै तयारियें दा जायजा लैने लेई इक उच्ची सतह दी बैठक दी अध्यक्षता कती तां जे दफतरें दा श्रीनगर सोआ जम्मू तबादला बवस्थित-सुरक्षित ते बेहतर ढंगै नै यकीनी बनाया जाई सकै। General Administration Dept. दे कमीशनर सैक्रेटरी एम.राजू होरें दरबार मूव काफले दी ट्रांसपोर्ट बवस्था ते साजो-समेयान सरबन्धी योजना बारे तफसीली जानकारी दिती। मुख्यमंत्री होरें JKRTC दे Managing Director ते ट्रैफिक विभाग गी निर्देश दिते जे ओह पैहली ते 2 नवम्बर आस्तै बाददू बसां उपलब्ध करान ते काफिलें दी सुरक्षित आओ-जाई यकीनी बनान। उनें इस गल्लै पर जोर पाया जे दरबार मूव दौरान परेशानी मुक्त यातायात करने लेई मैहकमे बश्कार तगड़ा तालमेल होना लोइचदा।

<><><><><><>

RS Poll Result (Byte)

जम्मू-कश्मीर थमां राज्यसभा दी 4 सीटें लेई होए दे चुनाएं च सत्ताधारी नैशनल कांफ्रेंस नै त्रै सीटां जितियां न-जिसलै के विपक्षी भारतीय जनता पार्टी नै इक सीट पर जित हासल कीती ऐ। एन.सी. दे मेदवार चौधरी मोहम्मद रमजान होरें पैहली सीट पर 58 वोट हासल करियै जित हासल कीती। सज्जाद किचलू होरें 56 वोट कन्नै दूई सूट हासल कीती। एन. सी. दे खजांची जी.एस Oberoi जिनेंगी Shammi Oberoi दे नाह कन्नै बी जानेया जंदा ऐ। त्री सीट पर जित हासल कीती। बी.जे.पी दे मेदवार ते पार्टी दे केन्द्र शासत प्रदेश ईकाई दे प्रधान सत शर्मा होरें चौथी सीट पर 32 वोट हासल कीते जिसलै के एन.सी. दे मेदवार इमरान नबी डार होरें गी छड़े 22 वोट हासल होए। पत्रकारें कन्नै गल्ल करदे होई एन.सी थमां जेतु Shammi Oberoi होरें आखेया

तोंआई मुखमंत्री उमर अब्दुल्ला होंरें जेतु एन.सी. मेदवारें गी मबारकबाद दिती। सोशल मीडिया पर इक सनेह च उनें राज्यसभा चुनाएं च जित हासल करने लेई चौधरी मोहम्मद रमजान सज्जाद किचलू ते शम्मी Oberoi होंरें गी दिली मुबारकबाद दिती। उनें इंदे सब्भनें दी कामयाबी दी कामना करदे होई आखेया जे भारती संसद च जम्मू-कश्मीर दे लोके दी नुमायंगदी करदे होई ओह नमां कार्यकाल शुरु करगंन।

<><><><><><>

Prog. Announcement

आकाशवाणी जम्मू दे प्रादेशिक समाचार एकांश आसेआ औंदे विलय दिवस दे सबरंधै च 25एं मिनटें दे इक्क विशेष कार्यक्रम दा प्रसारण कीता जा'रदा ऐ। जम्मू-कश्मीर दे भारत कन्नै विलय दे 78 ब'रे पूरे होने दे सरबंधै च औंदे ऐतवारें 26 अक्तूबर गी दपैही 12 बजे एह कार्यक्रम प्रसारित कीता जाग। इस विशेष कार्यक्रम च स्हाड़े प्ररौहने होडन जम्मू यूनिवर्सिटी दे स्ट्रैटजिक ते रिजनल स्टडीज विभाग दे असिस्टेंट प्रोफेसर डॉ. गणेश मल्होत्रा, जेहड़े इस विशे पर अपने माहिराना विचार सांझे करडन। इस कार्यक्रम दी मेजबानी स्हाड़े न्यूज एंकर जगमोहन शर्मा हुं'दे आसेआ कीती जाहग।

<><><><><><>

ते हुंन बाकि दिए खबरें कन्नै जगमोहन शर्मा:-

<><><><><><>

GOC- CS

फौज दी 15 कोर दे GOC लैफ्टिनेंट जनरल प्रशांत श्रीवास्तव जिंदे कश कश्मीर घाटी च सैनिक कारवाइयें दी दिक्ख-रिक्ख दी जिम्मेदारी ऐ- होर कल श्रीनगर दे सिविल सचिवालय च मुख सचिव अटल डुल्लु हुंदे दफ्तरै च जाइयें उनेंगी मिले ते मजूदा सुरक्षा हालात दे बारे च गल्लबात कीती। बैठका च मुख तौरा पर चर्चा खिते च लोके दी सुरक्षा ते भलाई-बेहतरी गी लेइयें बक्ख-बक्ख विकास ते प्रशासनिक पैहलकदमियें गी पूरी चाली रमानदारी ते बवस्था आहले ढंगे सिर तोड़ चाढना जकीनी बनाने लेई सिविल ते मिल्ट्री प्रशासन बश्कार आपु च

नेड़मा तालमेल बधाने पर कीती गई। गल्लबात दौरान दौने धड़े सिविल प्रशासन ते सुरक्षाबलें बश्कार तालमेल ते मिलियै कीते जाने आहले सांझे जतनें बारे बी तफसीली चर्चा कीती।

<><><><><><>

Vande Bharat

उत्तर रेलवे नै कटड़ा श्रीनगर वंदे भारत एक्सप्रेस गड्डी दे इक बाददू स्टॉप दी घोषणा कीती ऐ। एल्लै एह कटड़ा ते श्रीनगर बश्कार छड़े इक्कै स्टेशन बनिहाल पर रुकदी ऐ पर हून 29 अक्टूबर कोला एह रियासी स्टेशन पर बी रुका करोग। मकामी लोकें दी मंग पर एह फैसला फिलहाल अजमैश दे तौरा पर लैता गया ऐ। इस सरबंधै च जारी अधिकारिक हुकमै मुजब हून एह गड्डी इनें दौने स्टेशनें पर दंऊ-दंऊ मिन्टें लेई गै रुकग। रेलवे दे कर्मिश्यल विभाग गी निर्देश दिता गया ऐ जे ओ इस नमें स्टॉप आहले स्टेशन पर टिकटें दी बिक्री पर नेड़मी तक्क रखन ते एहदे पर इक तफसीली रिपोर्ट 5एं महीने दे अंदर-अंदर जमा करोआन तां जे ओहदा मूलांकन करियै अगगे दा फैसला लैता जाई सकै। हुकमै च आखेया गया ऐ जे एह नमां स्टॉप उच्चर धोड़ी बरकरार रौहग जिच्चर इसी बंद करने बारे अधिकारिक तौरा पर कोई निर्देश जा सलाह जारी नैई कीती जंदी।

<><><><><><>

PM MKB

प्रधानमंत्री नरेंद्र मोदी होर कल 26 अक्टूबर गी अपने रेडियो कार्यक्रम “मन की बात” दे राएं देश-बदेश च रौहने आहले श्रोताएं कन्नै अपने बचार सांझे करडन। हर महीने दे खीरले ऐतवारें दिनै 11 बजे प्रसारित होने आहले इस कार्यक्रम दी एह 127मीं किश्त होग। एह कार्यक्रम आकाशवाणी समाचार दी वैबसाईट newsonair mobile ऐप्प पर बी प्रसारित कीता जाग। एहदे कन्नो-कन्नी एह प्रोग्राम आकाशवाणी समाचार, DD News, प्रधानमंत्री हुंदे दफ्तर ते सूचना ते प्रसारण मंत्रालय दे यू-ट्यूब चैनलें पर बी प्रसारित कीता जाग। आकाशवाणी जम्मू पर मन की बात दे तुरत मगरा एहदा डोगरी भाषा च अनुवाद प्रसारत कीता जाहग। डोगरी अनुवाद स्हाड़े श्रोता कल राती 8 बजे इक बारी परतियै सुनी सकदे न। आकाशवाणी दे क्षेत्रीय समाचार एकांश कल्लै दे मन की बात कार्यक्रम पर इक विशेष परिचर्चा रातीं साइड 10 बजे प्रसारत करोग जिसी तुस स्हाड़े इस्से चैनल मिडीयम वेव 303 मीटर यानि 990 किलोहार्टस ते एफ.एम. 100.3 मैगाहार्टस पर सुनी सकदे हो।

GST

सरकार आसेया हाल च गै माल-सम्यान ते सेवाएं सरबंधी टैक्स जी.एस.टी दियें दरें च भारी कटोती कीते जाने दे बाद उपभोक्ताएं गी काफी हद तगर राहत थोई ऐ। भाएं ओ रोजमर्रा दे इस्तेमाल आहली चीजें दी खरीद होऐ यां फही बक्ख-बक्ख चाल्ली दियें सेवाएं दा इस्तेमाल। जी.एस.टी दियें दरें च कटौती कन्नै लोकें दी खरीददारी दी छमता बी बधी ऐ ते जनता दे घरेलू बजट पर बी बोझ घट्ट होआ ऐ। जम्मू प्रांतै च लोक इलैक्ट्रानिक्स दे सम्यान दी रज्जियै खरीददारी करै करदे न ते सेहत दिक्खभाल सरबंधी सेवाएं दा बी लाह लै करदे न। एहदे कन्नो-कन्नी इमारती निर्माण च इस्तमाल होने आहला सम्यान बी सस्ता होआ ऐ। उधमपुर थमां इक उपभोक्ता दा आखना ऐ

Read by : Abhilasha Sharma and Jagmohan Sharma

D.E.O : Rajni Devi

Skilled : Rajat Paul

Editor : Kunal Shrivatsa